

Na Kolegio Ehekutivo di Entidat Públiko Boneiru

Sr. E. Rijna gezaghebber

Plaza Wilhelmina

Ontv. 14:36

Griffie ER Bonaire	
Ingek.:	FEB 04 2021
Volgnummer:	ER-2021000080
Griffier:	Uitv.:

Kralendijk, 3 di februari 2021

Apresiado sr Rijna,

Den momentonan tristu i desesperante di un retiro masal premirá i ku pèrdida di kuponan di trabou ta bisto, frakshon di Partido UPB den Konseho Insular kier hasi e siguiente preguntanan den kuadro di derecho pa kuestioná maneho i posishon di gobièrnu i ta rekerí kontesta na esaki conforme Art. 45 di nos Reglamento di Òrdu, Insular den próksimo reunion di Konseho

Pregunta:

- Ki dia tabata e promé dia ku KE a haña indikashon ku retiro tabata inevitabel?
- Kual ta e medidanan ku a wòrdu empleá pa Evitá o Mitiga e retironan aki?
- Kiko tabata e akshonnan o interkambio konkreto ku RdK i otro duedornan a tuma pa suavisá medidanan kontra Bopec cq Boneiru?
- OLB ta prepará ku e Direktorado di Sosial i Labor pa akapará e situashon? Ki provishon tin prepará pa e eks trahadónan ? ta gradisí un splikashon.
- Kiko ta e medida ku Hulanda BZK lo tuma enkuanto e instalashonnan di Bopec?
- Tin Indikashon ku Bopec lo bai subasta públiko? Ta eksistí posibilidat di kompra di e instalashonnan dor di gobièrnu Hulandes?
- Nos a komprondé ku tabatin un transakshon petrolero ku mester a tuma lugá pa paga debenan huntu ku salarionan pero ku esaki no por a tuma lugá debí na e estado di colapso metalico di e Jettynan. Kiko ta bèrdat den esaki enkuanto kondishon di e instalashonnan? Lo bini na un afkeuring?
- Bopec ta riba tereno di erfpacht di OLB kiko ta e implikashon di esaki na momento ku e planta i e instalashonnan lo no ta aktivo mas?
- Tin un stuurgroep tokante situashon Bopec, Frakshon UPB ta pidi p'esei pa e stuurgroep aki lo por duna e informashon nesesario den un reunion di Komishon Fiho asina por duna klaridat enkuanto di e desaroyonan rondó di BOPEC

Den e pandemia aki Covid 19 ta e asunto di máksimo prioridat, Covid ta prioridat number unu pero Frakshon UPB ta haña e situashon di BOPEC i e Konsekuensianan posterior ta di tal índole ku ta nesesario pa atendé henter e asunto aki ku diligensia ku Kolegio Ehekutivo den su totalidat. Ta di sumo importansia pa realisá ku nos maneho mester ser redirigí na rekuperashon di e impakto ekonómiko negativo ku nos ta sinti i lo sinti mas ainda i p'esei mester duna esaki tambe prioridat pa wòrdu trata.

En espera di kontestanan den próximo reunion

Atentamente,



Drs E. J. Bernabela

Frakshon UPB